

10
ISAACII
IMPERATORIS

ANTIQUÆ REGVLÆ EQVITVM

S. GEORGII

Sacræ, Augustæ Militiæ Angelicæ Aureatæ
Constantinianæ à D. Basilio Magno traditæ.

Sereniss. vtriusque Bauariæ Duci, ac Sacri
Rom. Imperij Electori, &c.

FERDINANDO MARIAE

Eiusdem Ordinis Protectori, &c.

Dicatæ ab

ANDREA CAMILLO LOCARNO,

Comite, & Domino Villæ Vicentinæ,

SACRÆ CÆS. MAIESTATIS

LEOPOLDI

AVGVSTISSIMI IMPERATORIS

Pincerna, Equite, ac eiusdem Militiæ Consil. &c.



VENETIIS, M. DC. LXIX.

Typis Brigonci, eiusdem Ordinis Typographi.

Vtriusq; Fori Permissu, & Privilegio.

1844
IMPERIAL

THE
OFFICE OF THE
SECRETARY OF THE
NAVY

WASHINGTON
D.C.

DEPARTMENT OF THE
NAVY

OFFICE OF THE
SECRETARY OF THE
NAVY

WASHINGTON
D.C.

DEPARTMENT OF THE
NAVY

OFFICE OF THE
SECRETARY OF THE
NAVY

SERENISSIME ELECTOR.

*Sacra, Augusta, Angelica, Aureate Constantinæ Militiæ
Protector, &c.*




Culorum meorum imbecillitas in
Electoralis Magnitudinis Tuæ,
& Sereniss. Bauarorum Familiæ
splendores impar est figere obtu-
tum, quin immenso lucis abyſſo
veluti conſepulta propriæ auda-
ciæ impetus viſus perſtriſtione non intelligat eſ-
ſe reſpreſſos. Ipſa ſiquidem Electoralis Tua Cel-
ſitudo notus ſæculi noſtri Sol incautos Icarorum
niſus ſuis reddit luminibus inacceſſos; ita tamen,
vt duriores ſimulacrorum ſilices proprijs fulgo-
ribus, vt olim Memnonis excitet ad ſacundiam.
Eodem factò ego, qui dudum ſilentij tenebris ob-
uolutus hæſeram, nunc radijs Ampliſſimæ Bene-
ficiæ Tuæ tactus, Mercurij partes neceſſe eſt
agam in folijs. Quandoquidem ſilentij mei obſe-
quium Electoralis Tuæ Magnitudinis face redi-
uium vocales animatur ad concentus, vtpotè
quod Angelicæ, Aureatæ Conſtantinianæ Mili-
tiæ S. Georgij Ordinis Equeſtria inſignia gerens,

nescio ne magis in pectore, an in corde, Te veluti
Solem suum veneratur, à quo veluti Reparatore,
& ab inextinctis Phœnicis suæ cineribus, fama,
& propagatio surget illustrior. Nec absonum
à Bauaris Heroibus pietatis, & Religionis ima-
gines, & semina restituere, reparare, cùm an-
nualium fastis memoria sit demandata sub Augu-
sto Cæsare Carolo Magno semper inuictum Ba-
uariæ Ducem Naamum, siue Naimum, totius
Christiani exercitus Vexilliferum Brixiae Patriæ
meæ Sanctorum Faustini, & Iouitæ Sacras Reli-
quias licet aridas viuo sanguine sudantes deuotis-
simè venerantem miraculi nouitate perculsum,
antiquas illas, & pretiosas Constantini Magni,
& D. Helenæ Cruces, Labari scilicet, vulgò Oro
flamina, & alterius Sanctissimi Ligni, in quo sa-
lus nostra pependit Anno circiter DCCCVI. à
Christo nato eorundem Sanctorum Basilicam
in fidei propagationem, & pietatis ampliatio-
nem profusa liberalitate locupletasse. Quid plu-
ra? Procumbit ingenij mei vis tanto Serenissime
Domus Tuæ pondere pressa, propriæque debili-
tatis conscia, alijs Auorum, & Celsitudinis Tuæ
facta relinquit peroranda. Hoc vnum sibi satis
esse confidens tibi, vt Clementissimo Veteris Mi-
litæ Constantinianæ Protectori, ac Reparatori
Isaa-

Isaacij antiquas Regulas consecrassse, dedicassse.
Dux in æternum viue ad Ordinis Equestris no-
stri augmentum, & Catholicæ Fidei defensio-
nem.

Venetijs Anno Reparationis humanæ 1669.
Idibus Augusti.

Sereniss. Electoralis Celsitudinis Tuæ



Humilissimus, & semper Additissimus Seruus
Co: Andreas Camillus Locarnus, Eques, &c.

RE-

In hoc Signo vinces.

Ego sum Alpha , & Omega .




Per Signum Crucis, de inimicis nostris
Libera nos Deus noster .

REGVLÆ EQVITVM

Sancti Georgij,

Ab Isaacio Imperatore præscripta.

- P**rimo statutum est Romanorum, & Constantinopolis Imperatorum, eiusque primogenitum hæredem, & de primogenito, in primogenitum perpetuò esse Principem, & Supremum Ordinis, & Militiæ Aureatæ Constantinopolitanæ Aulæ sub titulo Sancti Georgij.
- 2 Quamquam nostri fratres, & socij prænominati Ordinis, & Militiæ a vno, & eodem fonte descendant, omnesque ad eundem finem tendant; placet tamen Nobis ipsos varijs appellare nominibus, vt quilibet hinc sumat occasionem semet exercendi in actibus egregijs, & strenuis iuxta ipsius posse, vt etiam possimus ipsis retribuere dignitatem æquivalentem illorum ministerio; intelligimus tamen quoad vniuersalitatem omnes esse honore dignissimos.
 - 3 Nonnulli ergo ipsorum nostrorum fratrum Torquis, nonnulli Crucis, nonnulli Signati tantum, siue tertij Ordinis appellabuntur.
 - 4 Ad primum gradum Torquis suscipiantur tantum Milites de Ordine nostro admodum benemeriti, Imperij Principes, & Consanguinei nostri, quorum tamen numerus quinquaginta non excedat, & cuilibet ipsorum deputabitur, conuētus, & prouentus in fine præsentium registrandi.
 - 5 Verum ad Ordinem Crucis non admittatur, & in ipsius album non adscribatur, qui non sit ex genere nobili, ex Patre, & Matre, Auis, & Atrauis, Paternis, & Maternis, ad eundem tandem recipientur tertij Ordinis ij, qui vita, moribus, & strenuè gestis de Ordine nostro optime sunt meriti.
 - 6 Et vt quilibet horum Ordinum distinctæ agnoscat decernimus, primos Torque maiori imagine S. Georgij pendente aurea ornari. Torquis autem magisterium esse volumus fabrefactum salutari illo signo, quo Constantinus Institutor vsus est, & labarum Imperatorum condecorauit, cui, & gemmas addere, seu addi posse non denegamus. In vestibus autem, & armis gestabunt Crucem olofericam iuxta modum infra nuper designandum, ad quem teneantur, licet primos Ordinis gradus subeant.
 - 7 Milites Crucis gerant ad latus sinistrum habitus rubeam Crucem olofericam auro circumdatam, cuius extremitates effingant lilium, in ipsius verò medio, siue intersecationibus appareat Constantinum illud Signum nempe  quo ipse effecto, & fabrefacto se, suosque Milites armari voluit. Superiorem partem aurea, & gemmis contexta Corona circundet quinque aureorum filorum vndique ornata commemorantium quinque Christi Saluatoris plagas. Idem Signum in

in armis sculptum velint sub pœna priuationis cuiuscumque dignitatis intra proximum annum à die omissi Signi. Tertij Ordinis Milites, siue Scutiferi eandem dempta superioritate, & Corona gestent.

- 8 Excludantur perpetuò ab Ordine nostro hæresi maculati, vel Romanæ Ecclesiæ proditores scelloniam committentes, à Castris, & Militijs profugi.
- 9 Cuiuscumque Ordinis Milites nostri eleemosinam pauperibus exhibeant, communicent, diuina officia audiant in festo Sancti Georgij, cuius anteriori die à cibo omnium rerum, præterquam ab illo oleum quorumcumque, & panem abstineant; in die Paschatis, Natalisque Iesu Christi, & Pentecostes quoties potuerint eleemosinas pauperibus perhibeant in honorem Christi, & S. Georgij pro defunctis fratribus nostris, & pro augmento Sanctæ Romanæ Ecclesiæ, qui secus faxit pœnæ Superioribus arbitariæ subsit.
- 10 Inter Milites Torquati præcedant, inde Crucis, postremo Scutiferi, quocumquè tempore creationis prior antecedit, excipiantur dignitates pro tempore Officialium, qui suis locis sedeant.
- 11 Die festum S. Georgij subsequente Ordo, & Militia vnita, & quilibet particularis miles teneatur eleemosinam Sacerdoti dare ad celebrandum Sacrum pro anima defunctorum sub pœna marcarum quinque auri puri à quolibet inobediente conferenda, & Ecclesijs ad eundem vsum applicanda.
- 12 Quilibet Miles in ingressu defensionem, augmentum, & manutentionem nostræ Militiæ, honorem, quærelas, & iura, ac dominia Ecclesiæ Romanæ, eiusque Imperij, ac Constantinopolitani, nec non Supremi, fociorumque Ordinis prænominati nostri promittat; in hæc delinquens habitus, & societate nostra priuetur.
- 13 Nullus Equitum vulnere accepto effeminatè doleat, vel gesta iactet, qui talia Equiti indigna commiserit Ense, Torque, Cruce, & gladio careat, nec Miles aliquis eum salutet.
- 14 Concistorij nostri fratres ægrotos suos Commilitones visitent, præstoque sint, nisi malint auri puri marcam persolvere publico ærario, dimidiamque hospitali Ciuitatis vbi cohabitauerint.
- 15 Monomachiam nemo Equitum in Commilitonè detenet, non arma, nec verba exerceat, siue legitimè siue illegitimè, sed ad Supremum, vel Prouinciæ Rectorem recurrat; contumax è consortio nostro arceatur.
- 16 Alearum vsus Equiti nostro interdicitur sub pœna priuationis Ensis, Torquis, Crucis trimestri, scutiferi aleatores per annum etsi benemeriti, non recipiantur ad integram Ordinis dignitatem.
- 17 Vestes, Cruces, arma, gladius, cæteraquè militaria ornamenta non vendantur, non pignori dentur sub pœna priuationis militarium Insignium, quæ in Extractorem dummodo idoneum conferantur, minus pondo auri puri donetur.
- 18 Nemo nostrum vocatus abstineat à Conuentu siue Prouinciali, seu

- Generali; impeditus legitime Procuratorem transmittat, vel constituat; inobediens arbitrariè puniatur.
- 19 Hastas, arma, Gladios pedestri, & Equestri ludo sæpius sæpè tractent nostri Milites, vt ad vera bella magis pugnantes efficiantur; Infamia pulsi perpetuò excludantur.
- 20 Maiores Torquis Equite defuncto, ceteriq; eiusdem conditionis lugubrem habitum suscipiant, pias Deo preces pro ipsius anima perfundant, sacraque celebrari studeant, publico ærario singulis annis annuersarium celebrent.
- 21 Qui Ordinem nostrum profiteri voluerint Supremo Ordinis, cæterisque Officialibus obedientiam, Deo coniugalem Castitatem, in proximum Caritatem, & præcipuè in Viduas, Pupillos, Hospitalia, Ecclesias, Captiuos, cæterosque miserabiles voueant, pro Fide Christiana, in rebelles, & Hæreticos Ecclesiæ Romanæ Infideles vitam, & sanguinem spondeant.
- 22 Nemo in aliquem nostrum Ordinem recipiatur, qui graui æri alieno sublit.
- 23 In Exercitu nostro Miles habitum album, inter domesticos parietes, aliisque in publicis locis ceruleam vestem; & vtrique rubeam Crucem infigat.
- 24 Torque, vel Cruce nemo insignis reddatur qui homicidium dolosum, vel quid scelestum commiserit.
- 25 Ad hunc Ordinem recipiendus nobilitatem suam (vt supra) probet, ni fassisse tertio Ordine insignitus benemeritis Militiæ nostræ esset.
- 26 Singulis diebus quilibet noster Miles Officium Virginis recitet, vel saltem Coronam, nec non quinque vicibus Orationem Dominicalem, & totidem Salutationem Angelicam memor quinque plagarum Christi; orans recordetur mortuorum fructum, roget Diuinam Maiestatem pro recuperandis statibus, ab Infidelibus oppressis, super omnia effundat ex corde preces pro salute, & statu legitimi Imperatoris nostri Constantinopolitani, nostræque Militiæ supremi.
- 27 Quilibet Eques singulis diebus sacrum audiat, concionibus intersit Quadragesimalibus, & Aduentus, dummodo necessitas aliter non urgeat.
- 28 Singulis diebus festiuis S. Georgij quilibet Eques in manibus sui Prouincialis publicè iuret Statuta, & has leges seruare.
- 29 Nullus Equitum ab Aula Imperiali discedat infcio Imperatore, & à Ciuitate vbi commoratur sine licentia Prouincialis, pæna trium marcarum inobediens multabitur; quinquennio vagans cingulo, Torque, vel Cruce priuabitur.
- 30 Singulo Quadimestri singulus Prouincialis certiore reddat Supremum de vita, & moribus, vel delictis suorum Equitum.
- 31 Singuli Equites ensẽ gerant, qui sine occasione abstinerint præeminentia nostra militari non fruatur.

- 32 Rixæ, & discordiæ, lites, & discordia Equitum à Supremo, vel eius Commissario generali Constantinopolis, in Prouincijs verò à Prouincialibus dirimantur, solus Supremus appelletur.
- 33 Principem exterum nullus stipendio sequatur inconsulto Supremo, qui Ecclesiæ, vel Imperij cum hostibus se commiscuerit à cætu nostro segregetur.
- 34 Præfectus Cruce signatorum, qui Torquatus erit Commissarium sibi generalem substituere valeat.
- 35 Torque maiori ornati Supremo tantum obediant.
- 36 Supremus militarem expeditionem Ordinis nostri non suscipiat inconsulto Supremo nostro Senatu.
- 37 Indicto bello in Infideles à Supremo, vel Pontifice, quilibet Equitum teneatur militiam sequi, Ecclesiæ, & Religionis tuendæ gratia.
- 38 Inuicè se diligant fratres nostri; alter alteri literas, patentes, ac tesseram Equitatus sui commonstrare teneatur, qui verò falsò sibi nomen Militiæ nostræ adscripserit Equo gladio, anulo, Torque, calcaribus, armis, vestibusquè militaribus spoliatus ærario publico assignatis perpetua puniatur infamia.
- 39 Hos ordines publica manu secretarij nostri signatos apud se habeat quilibet Miles.
- 40 Quatuor anni temporibus inter solemniora ieiunia singulis annis, tam in Generali coram Supremo, quàm in Prouinciali Conuentu legantur, ac iteratò iurentur præsentēs leges per quemlibet Equitem.
- 41 Iurent præcæteris Equites nostri æquo animo iniunctas pœnitentias ferre, & agere; qui contra ipsas insurrexerit habitu priuetur.
- 42 Graduum hic erit ordo, Imperator, vel Supremus, deinde Vicarius Generalis, vel Magnus Ciuitatorum Præfectus, ac tertij Ordinis, tertio huius locum tenens 4. Prouinciarum Rectores, 5. Ciuitatum Priores.
- 43 Quilibet Eques sui ipsius Prouinciali subsit.
- 44 Supremi Vicarius ipso Domino absente Torquatis imperet.
- 45 Nemo Ordini adscribatur, qui prius in has leges non iurauerit, vel per se, vel per Mandatarium.
- 46 Præsentium legum interpretatio, correctio, augmentum, vel moderatio solius sit Supremi.
- 47 Nostræ Militiæ adscribendus iuret in manibus Patriarchæ, si erit Byzantij, & Episcopi, si alibi, & semper assistente aliquo nostro Milite in hanc formam. Ego N. ex nobili genere natus, & oriundus N. iuro, & promitto Deo triuni, semper Virgini Deiparæ, ac S. Georgio me perpetuò fidelem futurum Serenissimo Imperatori Isaacio Angelo Flauio Comneno, eiusque futuris in tempora descendentibus, & successoribus, si quid contra ipsius statum, vel personam moliri per quemcumque percepero, notum faciam, & iussus dum potero, Ecclesiæ diuinæ, ipsiusque Pastoribus obsequium præstabo, blasphemos monitos, & contumaces castigabo, Viduas, Pupillos, miserabiles per-

- personas dictis, & factis, vt potero, ab oppressiõibus subleuabo, exercitum Militiæ Constantinopolitanæ S. Georgij, Imperialeque labarum sequar, thorum coniugalem non violabo, Supremo, & Præfests mei Equestris Ordinis obediens viam, sanctiones, & præscriptas leges seruaabo. Vos Sancta Trinitas, Beata Virgo, & Diue Georgi Vota mea audite, & præstò fitis; Vosque adstantes promissionis huius meæ viuentes, & in Iudicij die testes estote.
- 48 Miles Georgianus humanum Cadauer ad humandum portari si viderit ipsum deuotè præcibus, & corpore sequatur.
- 49 Sanctissimum Eucharistiæ Sacramentum quoties nostrorum Militum aliquis viderit portari, detecto capite, eoque humilis sequatur, donec in sanctuarium referuatum viderit.
- 50 Commilitonem si hostes seruum habuerint ære publico libertati restitui conabimur.
- 51 Si fortunæ fulgure percussus sit noster Miles communis ærarij stipendio donetur.
- 52 Qui senio confectus Christi miles quietus in claustris nostris viuere decreuerit, nemo Præfectorum repellere ipsum possit, opportunis autem commoditatibus gaudeat; idem, de ijs, qui Supremi largitione vitam claustralem subibunt, seruetur.
- 53 Mortuum Militem deferant Commilitones ad sepulchrum habitu solemni incedentes, pompam funeralem celebrantes.
- 54 Arma defuncti Militis in publico armamentario seruentur, insignia, gladius, calcaria, & clypeus sepulchro applicentur.
- 55 Dies consignati Militis, nomen, Patria, & genus publico libro adscribatur, quod idem seruetur in obitu cuiuscumque Militis.
- 56 Dies, quo aliquis torque maiori donatur sit nobis festinus, sequenti Hassiludia celebrentur.
- 57 Maiori Torque insigniti, excepto crimine Maiestatis læsæ, capite non puniantur, sed rei mortis perpetuo carceri dentur, cœteri Carnifici non tradantur, nisi gradu, & habitu priuati.
- 58 Prædia, & Domus Militiæ nostræ præter quinquaginta Primatibus adscribenda nemini nostrorum Militum dentur, qui tribus annis maritimam classem, vel terrestria castra non fuerit secutus.
- 59 Qui bona Ordinis inconsulto Supremo alienauerit in quadruplum puniatur, & decennio publicis bonis priuatur.
- 60 Priuatorum bonorum liberalis publico commodo donator, si centum Marcarum auri prætium superauerit, in numerum nostrorum Equitum recipiatur, donatorumque bonorum, vnâ cum filijs, & nepotibus usufructuarius declaretur.
- 61 Expeditiones, & decreta, nec non leges, & statuta nostræ Militiæ latino tantum sermone conscribantur; quod si aliquid græcè scriptum fuerit, statim per Magnum Scribam nostrum latinè vertatur.
- 62 Vices Supremi gerentes in Italia resideant Rauennæ, in Germania, Colonix Agrippinæ, in Hispania Valentix, in Gallia, Parisijs, in Belgio Antuerpiæ.

- 63 Hic Milites Cruce nostra signare possint, illicò tamen Supremum certiore reddant.
- 64 Primates Ordinis nostri à Prouincialibus conuentibus non arceantur, sed omnibus interesse possint.
- 65 Singulo trimestri conuocetur Byzantij Militaris noster Senatus opportunè iudicaturus.
- 66 Huic intersint quicumque aderant Torque signati, Prouinciales, Ciuum Primores, nec non veterani Milites.
- 67 Statutæ fuerunt primæ leges, & celebratæ coram Serenissimo Imperatore Isaacio annuente, & assentiente, auctoritatem, & plenitudinem, potestatis impartiente Byzantij in ædibus Imperialibus, presentibus Quadraginta Primatibus, cæteris verò absentibus, verum Serenissimo Alexio Angelo Comneno promittente pro D. Riccardo Angliæ Rege, & D. Balthasare Misæ Rege Illustri promittente pro Illustri Rege Gallorum Philippo Angiò, & Magnifico Eracleone Cantacuzeno pro D. Tancredo Guiscardo, & D. Michaelē Sebaste promittente pro Illustri Rege Poloniæ Casimiro, & D. Obizzone Atheftino promittente pro D. Thoma Alobrogo Comite, & pro Illustri Alphonso Aragoniæ Rege, & D. Ioanne Federico Gonzachio pro D. Alberto Comite Habsburg, & D. Philippo Flandriæ pro D. Lazaro Herzocouicchio promittente pro Magnifico Comite Michaelē Cataplaste; interfuerunt etiā Priores Ciuitatum Quinquaginta quatuor, nec non D. Guidottus Turrianus Vicarius Rauennæ, ac Milites Cruce signati quadringenti triginta quatuor. Quorum omnium consensu prima fuerunt stabilita, & statuta decimo Kal. Iulij, ab incarnato Verbo MCLXXX quibus peractis, ac publicatis per me infra scriptum Scribam maiorem, placuit Serenissimo Divo Casari Augusto Isaacio Imperatori nostro, & Supremo scribere propria, & Augustali manu, vt infra approbamus.

ISAACIVS.

Ego Alexius Sebaſtes Ordinis, ac Militiæ Constantinopolitana S. Georgij maior scriba.

Sergius Quin.

Nomina verò Prouinciarum.

7

- | | |
|--------------------------------|--------------------------------------|
| Prima Mifitraz. | 26 Inliæ Cefareæ. |
| 2 Barlatæ apud Valacos. | 27 Tingidis in Mauritania. |
| 3 Sicionne. | 28 Smirna in Ionia. |
| 4 Bonæ, siue Zibit in Arabia. | 29 Ephefi. |
| 5 Zaratæ in Mauritania. | 30 Anciræ. |
| 6 Boffinæ. | 31 Constantinopolis. |
| 7 Orrez. | 32 Elidos. |
| 8 S. Georgij ad Flumen Nestor. | 33 Agros. |
| 9 Fracliæ in Macedonia. | 34 Enos. |
| 10 Amphipolis. | 35 Hierufalem. |
| 11 Cappadociæ. | 36 Theodofia in Cherfonerso. |
| 12 Callandriæ. | 37 Odeffi apud Bulgaros. |
| 13 Aſcalonæ. | 38 Egeæ adud Arcades. |
| 14 Tarfis. | 39 Nicopolis. |
| 15 Iconij in Licaonia. | 40 Calcidis, ideſt Negropontis. |
| 16 Antiochiæ apud Syros. | 41 Corintij. |
| 17 Damaschi. | 42 Engaddæ in Paleſtina. |
| 18 Harmezæ. | 43 Burſæ. |
| 19 Salenuti in Cilicia. | 44 Neapolis, ideſt Driopolis Barbar. |
| 20 Sidæ. | 45 Mitilinen. |
| 21 Natoliæ. | 46 Nicomediæ. |
| 22 Miletî. | 47 Appolloniæ. |
| 23 Pergami in Miſia. | 48 Pergæ in Phamphilia. |
| 24 Sinopæ in Galatia. | 49 Hierapolis. |
| 25 Termæ. | 50 Calcedoniæ. |



RE

REGULA MILITARIS

Ordinis Constantiniani S. Georgii dicati.

A Diuo Basilio Magno tradita.

- 1 In primis deuotè recordari per singulos dies Passionem Domini Nostri Iesu Christi, qui liberauit nos per effusionem sanguinis sui à lapsu primi parentis, & propterea sexta feria ieiunare.
 - 2 Pro fide Christiana, & nostro Romano Imperio pugnare.
 - 3 Ecclesiam Dei, & eius Ministros à Tyrannis grassatoribus liberare.
 - 4 Arma contra inimicos Dei, Ecclesiæ, & Imperij Romani solummodo exercere, & tractare.
 - 5 Opprobria Christi memorari, & ideo iniurias patienter ferre, & modestè viuere.
 - 6 Crucem portare in signum, & Vexillum Christi.
 - 7 Eiusque mortem contra Iudæos, & perfidos vlciisci.
 - 8 Viduas, pupillos, Orphanos, & miserabiles personas in ipsorum necessitatibus tueri, & subuenire.
 - 9 Obedire superiori, neque vagari.
 - 10 Castè viuere, vna contentus vxore.
- Et in hoc decalogo tota consistit Christiani Militis Virtus, & salus ad Patriam æternam consequendam.



SERIES AVGVSTA

CÆSARVM OMNIVM,

MAGNORVMQVE MAGISTRORVM

Sacr. Militiæ Angelicæ Aureatæ Constantinianæ
sub Regula S. Basilij, & titulo S. Georgij ex
Imperiali Familia Angela Flauia Comnena.

Flavius Constantinus Magnus Cæs. Imperator Augustus Supremi Ordinis Institutor.

Constantius, Constans, & Constantinus Imperatores.

Alexius Angelus Flavius I.

Alexius Angelus Flavius II.) A Leone Primo Imperatore confirmati

Michael Angelus Flavius Magni Magistri.

Alexius Angelus Flavius.

Angelus Michael Flavius, Ecclesiæ Driuaftenfis Conditor.

Michael Angelus Flavius.

Philippus Angelus Flavius, aliàs Basilus.

Isaacus Angelus Flavius, qui susceptis tribus filijs, vitam Monasticam est complexus, fuerat Exarcha Rauennæ, tandem Patriarca Constantino-

polititanus.

Alexius Angelus Flavius.

Constantinus Angelus Flavius.

Michael Angelus Flavius appellatus Curapolates, &c.

Constantinus Angelus Flavius.

Alexius Angelus Flavius.

Nicephorus dictus Argiros Cognomento Cominus, à quo cæteri Com-

neni.

Isaacus Angelus Flavius Comnenus Imperator.

Alexius Angelus Flavius Comnenus Imperator.

Andronicus Angelus Flavius Comnenus.

Isaacus Angelus Flavius Comnenus Imperator Equestris Militiæ Re-

staurator.

Alexius Angelus Flavius Comnenus Imperator.

Andreas Alexius Angelus Flavius Comnenus.

Michael Angelus Flavius Comnenus.

Andreas Angelus Flavius Comnenus.

Michael Petrus Angelus Flavius Comnenus dictus Spanus.

Andreas Angelus Flavius Comnenus.

Petrus Angelus Flavius Comnenus Fratrem habuit Paulum Archiepi-
scopum Dyrrachij S.R.E. Cardinalem.

Ioannes Demetrius, Andreas, & Hieronymus Fratres Angeli Flauij Co-
mneni.

Petrus Angelus Flavius Comnenus.

Ioannes Andreas Angelus Flavius Comnenus.

Angelus Maria Gabriel Angelus Flavius Comnenus de presenti Supre-
mus Magister, &c.

F I N I S.



Eques Crucem osculo veneretur, qua Supremus illum signet, & dicat.

Suscipe hoc Signum in Nomine sanctissimæ Trinitatis, Beatæ Mariæ semper Virginis, & sancti Georgij Martyris in Fidei, & Christiani nominis incrementum; pectori idè Crucem commendamus, ut tuo sit cordi proximior, & dextera fortiter dimicans, illam defendas, & defensam toto zelo reverearis; aliàs si pro Cruce decertans iusto in bello eris profugus, iniustum te Militiæ nostræ Professore putabimus, & ex decreto habitu spoliaberis, ut Miles indignus, & depravator votorum.

Post hæc Supremus Equitem togâ præcingat, ad cuius lævam Crux Ordinis emicet, & dicat.

Suscipe jugum Domini suave, & onus leve, quo non gravari, sed acquiescere animus debet. Te, parentes, & affines piorum post-hac operum participes facimus, quæ per universum à nostro Ordine fiunt, & in posterum fient.

Hoc dicto Professo amoris donet osculum, & Sacerdos oret ad Altare.

Suscipimus misericordiam tuam in medio templi tui.

Recitetur Psal. 47. *Magnus Dominus, & laudabilis nimis in Civitate Dei nostri.*

Iterumque repetatur Antiph. *Suscipimus, &c.*

Kyrie eleison. Christe eleison. Kyrie eleison. Pater noster.

Ps. Saluum fac servum tuum.

R. Deus meus sperantem in te.

Ps. Mitte ei Domine auxilium de sancto,

R. Et de Syon tuere eum.

Ps. Nihil proficiat inimicus in eo,

R. Et filius iniquitatis non apponat nocere ei.

Ps. Esto ei Domine turris fortitudinis,

R. A facie inimici.

Ps. Domine exaudi orationem meam,

R. Et clamor meus ad te veniat.

Ps. Dominus vobiscum,

R. Et cum Spiritu tuo.

O R E M U S.

DEus, qui iustificas impium, & non vis mortem peccatoris, Majestatem tuam suppliciter deprecamur, ut hunc famulum tuum N. de
C. tua:

tuâ misericordiâ confidentem cælesti protegas benignus auxilio, & assidua protectione conserves, ut tibi jugiter serviat, & nullis tentationibus à te separetur. Per Christum Dominum nostrum. R. Amen.

O R E M U S.

Suscipiat te Deus in numerum fidelium, & nos licet indigni te suscipimus in orationes nostras; concedat tibi Dominus locum bene agendi, voluntatem perseverandi, & gratiam ad æternæ vitæ beatitudinem feliciter perveniendi; & sicut nos charitas fraternitatis junxit in terris, ita Divina pietas, quæ dilectionis auxiliatrix existit, cum suis fidelibus te conjungere dignetur in Cælis, præstante Domino nostro Iesu Christo, qui cum Patre, & Spiritu sancto vivit, & regnat in sæcula sæculorum. R. Amen.

D E V O T I S.

C A P U T VIII.

Cum tria sint vota, quibus noster deditur Eques, Obedientia nempe, Charitas, & Castitas saltem conjugalis, non erit abs re aliqua de singulis breviter explicare, ut magis illa clarescant, in quæ totum enitatur Militis studium.

Obedientia Deo, Fidei, & Pontifici quoad spirituale debetur; quoad sæculare autem Militem Principi, Supremo, & Vicarijs devinct. Horum jussis Equites nostri non advertentur, sed velint per exteriora obsequia internæ humilitatis virtutem dignosci.

Charitas, quia Dei est donum, nos Deo assimilat, unde vulgatum illud, Homo Homini Deus. Hac, quæ etiam ignis Spiritus sancti dicitur, tum omnes, tum præcipuè Equites nostri conflagent, & vel sanguinis offerant pretium in Christianæ Religionis honorem.

Enixo opere fidelium, & regionum redemptionem curent, quæ tyrannicâ infidelium servitute opprimuntur.

Quamvis non petiti discordias sedent maximè inter affines, & familiares.

Si rixæ inter conquites nostros insurgant, taliter Provincialis se gerat, ut offensor offenso satisfaciens illicò pacem componat: si adhuc jurgiosæ enutrientur opiniones, Majori Consilio, aut Supremo rescribat,

bat, à quo, quod æquius consultum sit, decernatur. Si quis è contra decisivum Provincialis decretum vix ferendū putaret, ad Consilium, sive ad Magnum Ordinis Magistrum recurrat; pacis interim non prorogetur conclusio, ne induciarum tempore rixæ foveantur, & indurentur.

Si alterius, & alterius Provinciæ Milites civilibus discrepent quæstionibus, Provinciales ad compositionem conveniant, & discordes ipsi aut tertium Provinciale convocent, aut Supremi sententiam attendant.

Controversias privati Equitis cum Provinciali Consilium judicet, quod idè coram primo Consiliario cogatur.

Studium, & vires Catholicorum Principum concordia, & pacifico Christianæ Fidei incremento erogent Milites nostri, bellorumque scintillas extinguant (si datur) priusquam erumpant incendia:

Mutuus sit amor inter Coequites, & Ordinis nostri consocios; alter alterius onera portet; in quemlibet Equitem illata injuria in omnes illata habeatur, si que communis injuria, & communis sit justæ ardor ultionis.

Commilitores nostri Seniores præsertim ad Militaria Tyrones instituunt, in quibus tum gloriæ stimulo, tum exercitatione vigescat virtus.

Si annonæ difficultas immineat, necessaria quæque nostri Commilitones ab exteris Regionibus & sibi, & fratribus colligant.

Si luem, bellum, vel maximum quodpiam malum grave alicui Provinciæ, aut urbi infortunium minitari præsenferint, loci Principem moneant, ut tempestivè prævisis opportunè provideat:

Quoslibet humiles, & justâ prece implorantes manum erigant Milites nostri. Viduarum maxime, & pupillorum se spontè tutores, & patronos toto ingenio, & fide pollicentur, per hoc enim, quod mandatum Dei est, & toties sacris commissum paginis, Ordinis nostri felicitatem speramus.

Infirmos, & vinculis constrictos visitent, solamen ferant, & opem; pro captivis procurent, non ut pœnas adimant, sed ut minuant; sædi fragos, proditores, & perduelles destituant; ni fortè constet injuriâ fuisse criminis accersitos.

Castitatis virtus & nobiliore spiritu ditat animum, & erectis viribus hominem roborat; hæc autem pari zelo conjugalis saltem servanda; possint & viduas in uxores ducere, & secundas, immò ulteriores adire nuptias Equites nostri, Supremi atramen nutum reposcendo, non quia

ab illius assensu convalidetur matrimonium, sed ut poenam effugiant, in quam inirent uti professæ repugnantes obedientiæ. Si autem aliquo turbati impedimento id Supremo non adnunciaverint, ut primum possint, adnuncient addentes causam silentij.

QUIBUS NOSTER EQUES T E N E A T V R.

C A P U T IX.

Honos ab onere dicitur, utpote qui non gloriam modo, sed & onera confert. Crux porro Militum pectori adnexa avorum publicè nobilitatem testatur, sed dum nomen ornat, animum onerat. Huic se promittat Militiæ, qui vitæ studet integritati, qui religioso potius virtutis studio percitus, quam spe dignitatum allicitus præcipuam dotem censeat ipsammet Crucem, absitque in alio, quam in Cruce Domini nostri Iesu Christi gloriari. Illam Imperatorum pijsimus Constantinus noster adedò est veneratus, & coluit, ut non vestibus, non armis tantum insculptam, sed assiduâ, & humili dexterâ portaret jactans illam *Gloriam esse sui, & exercitus*. Tale tanti Moderatoris exemplum sectentur Equites, Crucisque signum ita perferant, ut ab omnibus palam conspiciatur (ni infidelium peragrent plagas, ubi vitæ vereantur periculum) idemque in armis imprimant, & delineent ut munimen, & ornamentum.

Quotidiè sanctæ Crucis Officium percurrant, vel saltem quinquies Dominicalem Orationem, & toties Salutationem Angelicam repetendo quinque Christi plagas memorent, & stigmata sancti Francisci. Horarias Virginis preces adjungere non sit lex, sed laus devotæ pietatis. Manè surrecti dum Crucem suscipiunt, hæc dicant.

Per signum sanctæ Crucis ab inimicis nostris libera nos Deus noster, Iesus, Crux, & Maria, sint mihi salus, via, & custodia.

Sanctissimum Eucharistiæ Sacramentum deportari videntes aperto capite, pedestres & devoti concomitentur, ni eo tempore gravis negotij urgeat expeditio.

Dies Equitum pietati celebriores sint dies sacri Assumptioni Beatæ Virginis, ejusdem Nativitati, Divo Geogio, Inventioni sanctæ Crucis, ejusdem Exaltationi, Apparitioni S. Michaelis, ejusdem Dedicationi, & Divo Francisco.

Hæc sint, quibus noster Eques pro spiritualibus exercitijs tenetur, præter ea, quæ sunt Christi, & Ecclesiæ præcepta. Ad alia, quæ majorem in ipso religionem indicare possint, non cogimus lege, sed charitate adhortamur; hæc autem sint, Sacramenta, Ecclesias frequentare, Sacra, Conciones audire, jejunijs nutrire mentem, pio opere otium conterere.

Nullus Equitum sub extraneum vexillum accurrat, ni à Supremo facultatem impetraverit, quam quidem ipse impertietur, si iusta arma sit, stricturus Eques, & ni Religio aut terrâ, aut mari exercitum instruat, aut classẽ. Si verò naturalis Principis iussu arma capeßere debeat, Supremi non petat assensum, etiam si pro Militia nostra decertandum ei foret; primus enim honor Principi, secundus Supremo debetur.

Dum Supremus, aut in Ordinis, aut in Catholici Principis opem, militarem parat expeditionem, quilibet Equites & professione & ætate ad bellum idonei conveniant, ni quinquagesimum vivant annum, aut aliâ de causâ legitimè judicentur inepti. Qui autem ultrò à bellorum incommodis se velint adimere, binos conducant proprio ære gregarios milites, alterum qui equestribus, alterum qui pedestribus armis misceatur.

Arma quicumque Miles equestri requisita officio ubique habeat, quæ, & Equum vendere nefas putet.

Nemo inter Equites se pro alio det vadem absque expresso Supremi consensu.

DE CRIMINIBUS ET DE PŒNIS.

CAPUT X.

Duo Regnorum numina dixere aliqui esse præmium, & pœnam, & sanè nec Principis majestas, nec moderationis regula duraret, ni pœnarum minis terrentur vitia, & præmiorum illecebris amor attraheretur virtutis; de pœnis ideò.

Hic attamen præsciendum, nullam contra Equitem proponendam esse accusationem, ni privata, & fraterna præcedat correctio; crimen dein coram testibus notificetur, quorum dictis, & iurijurando danda sit fides. Hæretici, & proditores nulla præviâ correctione accusentur; qui illos criminari nolit, graviter arbitrio nostro puniatur.

Hæresi inquinatus nostram puritatis vestem deponat, dein Apostolicorum Præsidum pateat sententiæ.

Qui summi Pontificis, Sacri Romani Imperij, Protectorum nostrorum, naturalis Principis, sivè etiam Supremi majestatem violaverit, eandem pœnà mulsetur.

Fur, Grassator, Perjurus, Sacrilegus, Explorator, & Accusator, iniquus Equitum nomina amittant, & insignia.

Execratores in Deum, & Deiparam quoties peccaverint, toties majorem dent pœnam; nec punishmentem evitabit, qui vel levibus contumelijs Cocquiti maledicet; qui famam aut falsa evulgans, aut vera inprepans dilaniabit; & qui à verbis ad verbera transiens Equitem percutiet, & feriet.

Qui verò data opera, aut proditoriè Equitem occidet, à cœterorum consortio exul aberret, & quæcunque pro illo seu ipsius Supremi fiat, imbecillis auctoritas.

Concubinariis pluries monitus, & in ommissione insistens; inobediens Supremo, & superioribus ter accusatus; qui viduarum, & pupillorum preces non exaudiverit, & miseros ab infortunijs non levaverit, juratis infesti votis perjuratorum pœna afficiantur.

Qui hæreticas deprædicantem doctrinas, aut blasphemias in Cælum, vibrantem audiret, corrigat, objurget, & puniat; sit reus, qui hoc neglexerit.

Fœneratores Equitum nostrorum integritatem non corrumpant, longè sint; qui in turpe hoc inciderit turpiter ejiciatur; nec non & is, qui equestris nominis amplitudinem vili ministerico despiciat.

Qui demum quoquo modo de nostrorum institutorum tranite declinabit, pedem in pœnas offendet: ad quid leges, ni observentur, ideò leges dictæ, quia ligant. Hæc pauca de ijs, quæ sibi pœnas laceßunt: multa idcirco omiſſa, quia committenda non credimus.

DE RITU PRIVATIONIS

H. A. B. I. T. V. S.

C A P U T XI.

Qui generis nobilitatem protrahunt, nobilem illam excolunt indolem, quæ ipsos ad egregia excitat; & à deterioribus arceat, nec unquam à se ipsis degenerantes toto studio, & benè gestis curant Avorum famam extendere. Cum autem tales prorsus ij sint habendi, qui à puritate morum, & famæ Angelici vocantur Milites, vix opinari licet, talia esse perpetratu-
ros crimina, quæ tantam sibi vindicent pœnam.

Si

Si tamen casus adveniat, qui absit, debeat Supremus id superiori Consilio aperire, in quod vocetur reus, & concedatur proprias in contrarium rationes adducere; quod si facinus spontè fatebitur, & humilis veniam petet, Supremo indulgente, poterit ei crimen ignosci; sin illud occultare contendet, quod aliundè satis, planèque sit notum, talem in illum sententiam dici jubebit.

Quia honorifico Crucis signo, & habitu Militiæ nostræ indignum tu te clarant demerita, quo modo egregia de te spes ad equestrem dignitatem te sustulit, sic imparia acta te ab eadem detrudunt in cæterorum exemplar, in bonorum solamen, & pravorum terrorem.

Sententiâ latâ togam ab illo Eques diripiet, dicetque in illum.

Honoris à te hanc vestem aufero, sub qua laudabiliter non vixisti.

Absente reo post debitas citationes equestris toga spectabili è loco pendeat, quæ post edictam sententiam furiosè abstrahatur.

DE RITU RESTITUTIONIS

EIVSDEM HABITVS.

C A P U T XII.

FAs sit Militi primæ morum innocentie restituto Militiæ habitum repetere, & solo Supremi placito in Militum albo rescribi, si tamen debitas luerit anteacto crimini pœnas.

Coacto Consilio, & sedente Supremo incedat restituendus atratâ involutus veste manu cereum, collo sericam funem gerens, taliquæ exteriori formâ, quæ animi mœrorem interpretetur intrinsecum; se ad Supremi pedes projiciat, supplex deprecetur, habitum reposcat.

Supremus ad illum hæc habeat.

Te meritò in omissorum pœnam habitu Militiæ nostræ expoliavimus, quo tamen te denuò amictum volumus sperantes veterem exuentem novum cum illo hominem esse induturum. Deum lauda beneficium, illiusque obsecra manum in constantem tuæ vitæ custodiam.

Lugubrem amictum abijciat Eques, & togâ illum Supremus reve-
niat dicens

Tolle iterum jugum Domini leve, & salutare.

Adstantibus dein, & Coequitibus.

Vobis utique (dicat) fratribus & dilectis filiis N. Crucis honori restitutum restituo; eum vos sic excipite, ut Evangelicus Pater excipit filium,

filium, qui de rectâ semitâ per obliquos calles fuerat vagatus; nemo ipsum criminis arguat, ne dum gratiâ gaudet, pœnâ mereat.
 Eques suo loco sedeat, & cantet Chorus.
Te Deum laudamus, &c.

DE SACERDOTIBUS.

C A P U T XIII.

HI quidem inermes, sed maximum sunt robur Militiæ; laborant manu in campo Milites, fortius isti, dum in templo labio orant, laborant. Istorum sit igitur, assiduo precum fervore Deum exercituum invocare propitium, ut eâdem horâ & visibilibus armis, & spiritalibus jaculis Crucis dissipentur hostes, & Commilitones nostri cœlestibus septi præsidijs ita pugnent, ut Cælo vincant.

Sacerdotes (ni velint) Auorum imagines demonstrare non curamus, maximum namque nobilitatis est specimen ipse Ordo Sacerdotalis.

Horum promotionis ritus idem sit, qui aliorum Equitum, ipsis atamen militaria arma non dentur, & dum Supremus nostræ Religionis togâ ipsos amicit, hæc dicat.

Esto Divinus Miles, fidelis, & Deo devotus:

Duo tantum solemniter vota profiteantur, Obedientiam scilicet, & Charitatem, Castitati enim se jam devoverunt.

Hi fructuum Donationum possunt fieri participes, Consilij tum belli, tum pacis interesse, & Senatorio ordine recenseri.

Hic porro incongruum referre non sit, quid de Constantino scriptum videmus, ut ediscant nostri Commilites, qualis, & quantus honor in Sacerdotes sit: exhibendus; noluit Imperator ille de Episcopis in Niceno Consilio judicare, qui inter se jurgia ad illum detulerant, accusationum immò libellos non relegens jussit exuri ad illos: asserens *Vos nobis à Deo dati estis. Dij, & conveniens non est, ut homo judicet Deos, sed ille solus, de quo scribitur, Deus stetit in Syn-*

nagoga Deorum; adeò tanto viro nomen Sacerdotum.

fuit grande, adeoque nobis sit. sacrum..

DE COLLEGIIS.

CAPUT XIV.

Ajove principium : omnia ita ordinata sunt à naturâ , ut è Cælo originem ducant ; Divina illa erunt moderamina , quæ in Deum tendunt , à quo primario reguntur ; cujuscunque societatis civilis est fundamen religio , tum nostræ præsertim Reipublicæ , quæ religiosa in se dicitur.

In unaquaque Provinciâ extruendum sit templum , in quo Sacrum , quotidie habeatur ad Sacræ Romanæ Ecclesiæ exaltationem , ad Catholicorum concordiam , ad nostri Ordinis felicitàtem , & ad summi Pontificis , Imperatoris , Protectorum nostrorum , Magnique Magistri invocandam salutem.

Hæc templa uni saltem Rectori commendentur , qui nostrâ sit Cruce signatus ; sin plures sint Sacerdotes , recitent isti Canonicas horas , Rectoris obsequantur mandato , & vivant vitam ad religionem , & exemplar.

Collegij Primarius Novitios Equites Christianis instruat doctrinis , Sacerdotes enim sic dicti , quasi Sacra docentes.

Duo in mensem sacrificia Deo offerantur in defunctorum Coequitum , & Benefactorum suffragium.

Festis suprâ citatis diebus togati quicunque Milites in dictis templis sacris adstent , & Vesperis.

Quò usque autem hæc instituantur Collegia , ad hæc ritè perficienda notiora eligantur templa , in quæ Equites nostri concurrant.

DE DONATORIBUS.

CAPUT XV.

Donatores ij sunt , qui à vilibus adborrentes , & ad vitæ honestatem compositi , piâ liberalitate commoti bona libera , nec ulli gravamini obnoxia Ordini nostro elargiuntur. Ijs haud præscribitur nobilitatis edere approbationes , quærere enim sufficit , an vitâ sint innocui , & mercaturam oderint , præterquam in ijs urbibus , in quibus de instituto nobiles cum mercatoribus commiscantur.

Donatio bonorum de more contrahatur, aliquo ex nostris Equitibus stipulante; eâdenque donatione firmatâ corâ Iudice, ut fieri solet, illicò Eques pedem pro nobis ponat in bonis, deque his cunctis actibus publicum rôget Notarium.

Donator postea nostrâ Cruce donabitur, qui supplicibus literis petet sibi, & successoribus usum, & fructum bonorum. Hisce literis nostrum adijcietur decretum, seu rescriptum, & Eques addicetur, qui fructuum concessionem publicâ exaret scripturâ. Fructus ergo Donatoribus, & maribus in perpetuum descendantibus, & legitimis successoribus concedentur, in quorum obitum succedet fœmina postremò defuncto proximior, quæ sola ætatis suæ curriculo in usum, & fructum habendum vocabitur. Hujus post mortem fructus cum proprietate consolidetur, & ipso jure, & factò utile dominium directò adjungatur nullâ requisitâ declaratione, vel definitivâ, seu interloquutoriâ sententiâ.

Hæc autem fructuum concessio non una esse intelligitur, sed tot iteratâ, quot erunt anni, quibus ipse Donator, & successores fructibus perfruentur; volumus enim nec ipsos, nec creditores fructuum nisi annuam portionem consequi posse. Si quis autem istorum aliquid contrâ scriptas leges moliri non pertimuerit, illicò pars, vel totus fructuum usus in filios, aut successores transmittatur.

Donatores aliarum etiam Donationum fructum capere poterunt, si tamen equestrem censum in Ærarium contulerint, ut ceteri Equites.

Possint etiam (si velint) generis illustrem antiquitatem declarare. Similiter & ij, qui jam se Militiæ nostræ sacraverint, eodem Donatorum nobilium nomine appellari possint, si piè nostræ Reip. donent.

Donatores quamvis non petiti provinciale ingrediantur Consilium, ubi vocis activæ, & passivæ sint compotes.

DE INQUISITORIBUS PROVINCIA RIVM.

C A P U T XVI.

EX subditorum innocentia Reipublicæ emanat fœlicitas: cum autem nemo sine crimine vivât, superiorum sit munus inferiores regere, & corrigere, idque quam maximè solliciti curent, in quo propria laus, & commune bonum consistit.

Supremus itaque singulò triennio duo, vel unum saltem probatæ vitæ

vita Equitem in unamquamque invensendam Provinciam Inquisitorem constituat, qui de vita, & moribus Provincialium Equitum sedulo quærat; leves culpas ex voluntate puniat, & gravia crimina ad Provincialia Comitia deferat, quæ inquisitionibus perhabitis denunciabuntur.

Horum inquisitio in singulis conventibus ad biddum se extendat, quo spirante spiret Inquisitoris auctoritas.

DE COMITIIS.

C A P U T XVII.

Singulo quinquennio, aut sæpius, si Supremo videbitur, Centuriata Comititia indicantur, Centuriata ideo dicta, quia in ea quinquaginta Provinciarum Præsules, & totidem socij Equites ab unoquoque Provinciali Consilio selecti conveniunt. In his autem ea digerentur omnia, quæ ad universale totius Ordinis, & ad rectum, & singulare Provinciarum moderamen spectabunt.

Ad hæc ij, quoque accedere poterunt, qui vel à Torquatis, vel ab eorum Vicarijs, vel à Consilijs, vel à quocunque Equite injuriam fuerint perpeffi; nec non & ij, qui aliquid Religionis bono proponendum animadverterint.

Hæc Comititia prævio sex mensium spatio Provinciarum moderatōribus Supremus indicet, diem, & locum ejisdem statutum.

Biddo ante Convenrus diem nemo locum adeat Comitiorum.

Qui legitimis de causis in provinciali Consilio judicandis ijs adesse nequibit, aliquem in sui vicem substituat, si vè sit Eques, si vè non, dummodo stirpe clareat. Qui autem consulto ad ea congregi nolit, ad nuntium Consilij pecuniariam multam persolvat.

Antequam claudantur Comititia, solemniter celebrandum sit Sacrum sancti Spiritus cum commemoratione B. V., & Divi Georgij, inde equestri habitu expoliti pergant omnes ad Comitiorum aulam, interimque cantetur hymn: *Veni Creator Spiritus, &c.*

Unusquisque proprio loco confideat, & circa ea, quæ vel à Supremo, vel à Provinciæ Præsule in Senatum referantur, gradatim, qui velit, suos enucleet seclusus, votorumque pluralitate decernatur, ni Supremi decidat auctoritas.

Eundem ritum servent in omnibus Provincialia Comititia, quæ singulo saltem cocant triennio. Ij omnes in ea concurrant Equites,

qui à Præsule convocentur, ibique res sit de Provinciæ regimine.

Acta ad Supremum nostrum Consilium transferantur, ut inde robur habeant, & firmitatem.

Provincialem Synodum Torquati (utcunque libet) inire possint, ibique locum habere dicendi.

Si autem utile duxerimus universale Concilium cogere, sex prævijs mensibus Provinciarum Primarijs erit significandum, qui opportunè id possint cunctis nunciare Coequitibus.

Dum vel in Centuriatis, vel in Provincialibus Comitijs privati Equitis causa discutietur, hic usque ad decretum excludatur.

Qui arcana Consilij in vulgus ferre non verebitur, de Equitum numero obliteretur.

Comitijs unò, aut multiplici congressu solutis, dicatur *Te Deum &c.* dein Psal: *De profundis, &c.* cum precibus *Fidelium Deus, &c. Deus veniæ largitor, &c.*

DE VARIIS DIGNITATIBUS NOSTRI ORDINIS.

C A P U T XVIII.

Supremus ad clavum Reipublicæ sistit, de quo jam satis.

Magnus Ordinis Præfectus Supremi locum tenet, cui, quæ major Supremo libebit, auctoritas mutuabitur.

Inquisitor Generalis totâ sciscitatur sedulitate, ne à quopiam leges nostræ abrogenetur.

Primus Supremi Consiliarius de ijs, quæ in Comitijs tractantur, primus verba facit post ipsum Supremum.

Magnus Ordinis Cancellarius è conspectu Supremi in Consilij solus sedet, ultimus sententiam profert, decreta scribit, legit, & in codicem refert; hic de scripturis curam gerit, & cujuslibet Grapharij, Scribæ, Notarij, & Cancellarij provincialis etiam est iudex.

Marescallus navalium, & campestrium copiarum est imperator, proprio ingenio Equitum convocat coetum ad militaria consulenda, exercitum cogit, lustrat, & Comitistabili, sive Admirali committit; Supremoque assentiente, eum, qui ipsi prius libet, Ordinis Labaro gestando præficit Antesignanum.

Comes stabilis pedestrium, & equestrium gentium est ductor;

Ad-

Admiralis autem classium maritimarum.

Admirali præeat Comes stabilis, si pugna acrius disputetur in campo, & è contra; si & terrâ, & mari æqualiter configendum, Supremus de illorum loco decernat.

Hæ tres militares dignitates, si Comitiji adsint, post Magnum Ordinis Præfectum occupent locum.

Hi autem omnes Torquati sint, & perpetuum ipsorum sit munus. Possint ipsi, quemadmodum & cœteri omnes Provinciarum Præsides, sex servientes Milites promovere, de quorum promotione ad Supremum rescribant.

Tribuni, cujus est lites Equitum componere, Quæstorum, qui pecuniam administrant, & Consulnm quinque (præter jam dictum) bienalia sint munera.

Cui datum est esse à secretis sedeat loco ab alijs semoto, vocem non habeat, scripturas, & literas pangat.

Economus, qui impensis dat modum, Consilium non ingreditur, nisi de ijs agatur, quæ ad illius officium attineant, ejusque potestas duret, quoad velit Supremus.

Hæ præcipuæ sunt dignitates, quæ supremum implent Consilium, ad cujus normam quodlibet Provinciale Consilium erit constituendum.

His autem omnibus concedatur unum, & plures in sui vicem subrogare, ubicunque ipsis interesse non detur.

QUI EQUITES EQUITIBUS PRÆCEDANT.

CAPUT XIX.

EX Equitibus nostris præcedant Torquati nobilibus Donatoribus, hi Equitibus Justitiæ, isti cæteris Donatoribus, hi Gratosi, & Gratosi Inservientibus. Horum autem unusquisque tum in vijs, tum in Ecclesijs primum locum Sacerdotibus cedat.

In Conitijs priores sedeant Optimates, secundo loco Sacerdotes, tertio Donatores nobiles, quarto Equites Justitiæ, quinto Donatores, postremo Gratosi.

Singuli Equites ex singulis classibus, dum de præcedendo quæritur, propriæ promotionis tempus respiciant (ni tamen aliquâ Ordinis dignitate præcellant) sique eadem die fuere promoti, semper veneranda senectus.

Quamvis autem hæc nostra Religio prima sit, quæ Crucis celestis signo fuerit præmunita, jactans è cælo originem, & institutionem à maximo Imperatorum; strictè mandamus, neminem ex nostris Equitibus de Ordinis ipsius præminentia ne quidem verbis disserere. Quod si in discrimen adductum senserit aut proprium, aut universalem Religionem honorem, justo tutamini se accingere decorum erit.

DE BONIS.

CAPUT XX.

ECclesiasticis Ordinis nostri pensionibus soli Sacerdotes latentur Equites. Provinciarum Moderatores eos ad vacuum curam ineundam admovebunt, quos idoneos agnoverint, & Supremi erunt illos approbare, quos aptiores judicaverint.

Quicumque ex nostris Equitibus etiam si clericus, qui Religionis bona ab alio quam à Supremo impetrare perquirat, ipso jure habeatur tanquam non Eques.

Qui ejusdem nostræ Religionis bona alienare tentaverit (Supremi, aut universalis Consilij decreto non annuente) & ipse à societate nostra alienetur.

Alienationibus autem nequidem Provinciale Consilium assentiatur, possit attamen donata bona annuo censui obligare tempore viginti, & quinque annorum statuto, quo absumpto absolvantur, nec obligentur nisi post decem annorum decursum.

Alienationes quoque putamus locationes plusquam per annum, nisi Primarij pateat assensus, qui easdem per quinquennium possit dimittere.

Qui autem Equites hujusmodi iniquos contractus detegent, usum, & fructum alienatorum bonorum, quoad vixerint, consequentur.

DE TESTAMENTO

MILITIS NOSTRI.

CAPUT XXI.

Qui sub nostro militavit vexillo, & se non modo honoribus præclarum, sed & privilegijs stipatum agnovit, quem gratum ani-

mi sensum in eandem Religionem nostram coluit, ultimâ saltem die adventante perhibeat, aliquid vel tenue ipsi Militiæ legando. Quod si omiserit, aut ab intestato decesserit, illius bona ad centum aureos teneantur, de quo Solemnis stipulatio professionis die contrahatur.

DE ARCHIVIO, ET ÆRARIO. CAPUT Vltimum.

Tabularium, sivè Archivium construi tuto in loco mandamus, cuius binæ sint claves, altera penes Supremum, altera penes Provinciæ Primarium; in hoc autem, libri omnes, qui redditus, donationes, expeditiones, exemplaria, publicas scripturas, privilegia, & similia quæque continent, custodiantur.

In eodem Militiæ Thesaurus servetur publicis egestatibus impendendus, cui duo Quæstores, seu Thesaurarii invigilent, qui, quoties Supremo libebit, administrationis rationem reddere debeant.

Et in unaquaque Provincia singulare sit Tabularium, cuius custos sit ipse Provinciæ Præsul, vel Cancellarius; in hoc autem scripturæ, & provincialia decreta reponantur, quorum omnium exemplaria in supremum Archivium sint asportanda.

COROLLARIUM.

Hæc compendiarie decreta, quæ religiosis viris mandantur in Dei honorem, in Christianæ Fidei incrementum, & rectam nostri Ordinis moderationem ex antiquissimis ejusdem Militiæ nostræ constitutionibus deprompta nulli Equitum liceat mutare, corrigere, aut quovis vel levi modo confringere, præterquam ipsi Supremo, cui tanquam Ordinis Principi quidquid placet, legis sortitur vigorem. Ne autem prolixo legum codice legentium oculos terreamus, & animos, hæc pauca sufficiant, ingenuos enim viros alloquimur, qui prius jura exequi volunt, quam noscere. In iis, quæ parvo in hoc volumine expressa non fiere, & quorum penitus explanatio non constat, vel inveteratam consuetudinem sequantur, quæ legis non scriptæ vim habet, vel nostram, aut Consilij nostri sententiam exquirant.

Harum observantiam constitutionum etiam atque etiam enixè precamur,

camur, ea enim non præcipimus, quæ sint extra sphæram honorificæ laudis. Delinquentibus salutarem minamur poenam, peccatum attamen gravius non facimus, quam à Sacrà Romanâ Ecclesiâ fuerit præscriptum.

Quæ omnia visa, lecta, & maturè perspecta edici curavimus Monachij die duodecima Julij, Anno salutis Millesimo sexcentesimo sexagesimo nono, Ordinis Millesimo tercentesimo sexagesimo secundo, Magistratus verò nostri trigesimo quinto.

Angelus Maria Mag.^s Mag.^s

L. ✱ S.

De mandato Principis, & Magni Magistri Ego Comes Germanicus Bertuci Eques Magna Crucis, Ordinis Consiliarius, in Provinciâ Carnorum Nobilis Jurisdicens, & Feudatarius, Mathematicarum artium Professor, &c.

Joan. Franciscus Dianî à Secretis Ordinis, & Jurisconsultus.

MONITORIVM

Illustrissimi, & Reuerendissimi Domini
AUDITORIS CAMERAE

Ad fauorem Illustrissimi, & Excellentissimi Domini
ANGELI MARIAE ANGELI FLAVII COMNENI
Principis Macedoniae, ac Magni Magistri Militiae Aureatae
Angelicæ Aulae Constantinianæ, sub titulo Sancti
Georgij, & quorumcumque Militum, super
obseruatione suorum Priuilegiorum.

PALVTIVS PALVTIVS ALBERTONIVS
Protonotarius Apostolicus vtriusque Signaturæ.

*SANCTISSIMI DOMINI NOSTRI PAPAE REFERENDARIUS,
Nec non Curiae Causarum Camerae Apostolicae, Generalis Auditorum, Romanæ
quæ Curiae Index Ordinarius, Sententiarum quoque, & Censurarum tam
in eadem Romana Curia, quam extra eam latarum, & litterarum Apo-
stolicarum quarumcumque vniuersalis, & merus executor, ab eodem San-
ctissimo Domino Nostro Papa specialiter electus, & deputatus.*

Vniuersis, & singulis Reuerendis. Dominis Abbatibus,
Prioribus, Præpositis, Decanis, Diaconis, Archidiaconis,
Scholasticis, Cantoribus, Thesaurarijs, Sacristis, tam
Cathedralium, quam Collegiatarum Ecclesiarum Canonis,
Parochialiumq; Rectoribus, Plebanis, Vice plebanis Curatis,
vel non Curatis, ceterisq; Presbiteris, & Clericis, Notarijs, & Tabellionibus quibuscumq; illique, vel illis, cui, vel quibus præsentem
nostræ litteræ peruenerint, seu aliàs quomodolibet præsentabuntur.
SALVTEM in Domino, & nostris huiusmodi, immo verius
Apostolicis firmiter obedire mandatis. NOVERITIS Nuper coram
Nobis pro parte, & ad instantiam Illustrissimi, & Excellentissimi
Domini ANGELI MARIAE ANGEL FLAVII COMNENI,
Macedoniae, & Moldaviae Principis, & Drinasti, & Dirrachij Comitis,
ex Claris Imperatoribus Flauiorum Augustorum Romanorum,
moxq; Constantinopolitanorum orti Natalibus, tamquam in
gradu ab eis descendente existentis, & Sacrae Militiae, seu Religionis
Aureatae Constantinianæ sub Regula Beati Basilij, ac titulo Sancti
Georgij, Magni Magistri principalis, comparitum, & expositum
fuisse,

fuisse, quod dicta Sua Excellentissima Familia à diuersis summis Pontificibus decorata fuerit quamplurimis gratijs, & priuilegijs, prout etiam dicta Militia, & præcipue à felici recordationis Paulo Papa tertio ratificationis priuilegiorum alias ab Imperatoribus, & Regibus Familiae Angelæ Flatiæ Comnenæ concessorum, nempe Milites, seu Aureatos Equites, Comites, Barones cum hæredibus suis in perpetuum, ac Notarios, Tabelliones, & Iudices ordinarios, nec non Doctores in quibuscumquæ facultatibus creandi, & faciendi, Poetasque laureandi, & de Iure, vel de facto Infamatos absoluen- di, ac omnes, & quoscumquæ Spurijs, Manseres, Incestuosos, Bastardos, & alios quocumquæ ex quocumquæ illicito, & damnato Coitu procreatos, & procreandos copulatiue, & disunctiue legitimi- andi, aliasquæ facultates exercendi, & per Calistum Tertium, Pii Secundum, & Sixtum Quartum aliàs ratificationum ad instantiam Pauli Angeli, & Andreæ etiam Angeli Fratrum Canonice Ecclesie Driuastens, prout dicitur ex suis litteris Apostolicis sub datum Romæ apud Sanctum Petrum anno millesimo quingentesimo quadragesimo octauo, Kal: Maij, Pontificatus anno sexto; Item confirmationis Priuilegiorum, prout quoquæ ex alijs litteris Apostolicis sub datum Romæ apud Sanctum Petrum anno millesimo quingentesimo quadragesimo quinto, vndecimo Kal. Decembris, Pontificatus anno decimo octauo, & à Paulo Papa Quarto ratifi- cationis eorundem Priuilegiorum, prout ex Bulla sub datum Ro- mæ millesimo quingentesimo quinquagesimo Sexto, Septimo, idus Nouembris, Pontificatus anno secundo; prout etiam ex alia Bulla sub datum anno millesimo quingentesimo quinquagesimo nono, tercio idus Aprilis, Pontificatus anno quarto; & ex alijs litteris Apo- stolicis Pij Quarti anno millesimo quingentesimo sexagesimo quin- to, Kal: Maij, Pontificatus anno primo; ratificationis eorundem priuilegiorum. Nemini liceat dictum Excellentissimum Dominum instantem, & alios de dicta Excellentissima Sua Familia, ac Militiam prædictam perturbare, molestare, inquietare, & impedire super prædictis priuilegijs, gratijs, indultis, immunitatibus, & exemptioni- bus, vt supra concessis, ac frutione, & vsu illorum. Nihilominus non nulli in exequutione præsentium nominandi, & cognominan- di, nescitur quo iure suffulti, sese iactarunt, & iactant velle eundem Excellentissimum Dominum Instantem super præmissis inquietare. Quo circa de opportuno iuris remedio instanter, & debitè requisiti; Nos igitur PALVTIVS PALVTIVS ALBERTONIVS Iudex, & Auditor prædictus attendentes petitionem, & requisi- tionem

tionem huiusmodi esse Iustam rationique Consonam, quodque iusta, & honesta petenti non est denegandus assensus. Vobis omnibus, & singulis supradictis, & vestrum cuilibet insolidum tenore præsentium committimus, & in virtute Sanctæ Obedientiæ strictè præcipiendo mandamus, quatenus statim visis, seu receptis præsentibus, & post quam præsentium vigore fueritis requisiti, seu alter vestrum fuerit requisitus ex parte nostra, immò verius Apostolica Auctoritate Moneatis, & requiratis, primo, secundo, tertio, & peremptorio termino, prout nos per præsentibus requirimus, & monemus omnes, & singulos in executione præsentium nominandos, & cognominandos, quatenus infra sex dierum spatium, quorum duos pro primo, duos pro secundo, & reliquos dies duos pro tertio ultimo, & peremptorio termino, atque Canonica monitione assignamus, & vos assignetis eisdem, sub mille ducatorum auri in auro Reuerendæ Cameræ Apostolicæ applicandorum, & pro illis mandati executiui, & in Iuris Subsidiū excommunicationis, alijsque Ecclesiasticis sententijs, censuris, & penis, debeant, & ipsorum quilibet debeat à prædictis molestijs, perturbationibus, & impedimentis dicto Excellentissimo Domino Instanti, eiusque Familiæ, & Militiæ prædictæ in partibus illatis, vel inferendis, aut inferri comminatis, à dandisque, & inferendis quomodolibet infuturum penitus, & cessasse, destitisse, & sese penitus abstinuisse; Ipsumque Excellentissimum Dominum instantem, familiamque suam; & Militiam præfatam in pacifica, & quietâ possessione prædictorum privilegiorum manutenuisse, defendisse, & conseruasse, prædictasque Bullas, & litteras Apostolicas debitæ, & totali executioni demandasse, & suos plenarios effectus sortiri fecisse, illisque totaliter, & ad vnguem paruisse, & obediuisse, & mandari audiuisse, omniaque damna expensas, & interesse præmissorum occasione, & causa factas, & passas, ac faciendas, & patienda infuturum refecisse, & quæcumque decreta, sententias, & mandata, necessaria, & opportuna fieri, ferri, decerni, & relaxari vidisse, & audiuisse ad fauorem dicti Excellentissimi Domini instantis, & Familiæ suæ, ac Militiæ præfatæ deducendum in præmissis omne eorum Ius, & remedium sibi ipsis vndecumque, quomodocumque, qualitercumque, quomodolibet proueniens, & nobile officium iudicis, & beneficium Iuris implorans non solum modo, & forma præmissis, sed, & omni alio meliori modo. **ALIOQVIN** prædictos sic monitos, quod si in præmissis sese fore

grauatos senferint, modo, & forma præmissis Citetis, & citari cur-
 retis, prout nos per præsentis citamus, & Citari mandamus eos-
 dem, quatenus die trigesima post præsentium executionem, si dies
 ipsa Iuridica fuerit, sin autem prima die Iuridica ex tunc proxima
 futura compareant Romæ in Iudicio legitimè coram Nobis, siue
 infra scripto nostro in Ciuilibus Locumtenente per se, seu pro-
 curatores suos idoneos, & benè instructos prætensi grauaminis
 causam allegaturos, prout Iustitia suadebit, & ordo dictauerit ra-
 tionis; Certificantes eosdem sic citatos quod si in dicto citationis
 termino, vt præmissum est, non comparuerint; Nos nihilominus,
 vel Locumtenens noster infra scriptus ad huiusmodi causæ, & cau-
 sarum expeditionem, omnesquè alios actus, & terminos iudicia-
 les, aliaue Iuris grauiora remedia, vsquè ad sententiam definiti-
 uam inclusuè, etiam lite non contestata procedemus, seu proce-
 det Iustitia mediante dictorum citatorum contumacia, vel absentia
 in aliquo non obstantibus; & insuper modo, & forma præmissis
INHIBEATIS, & inhibendo expressè præcipitis, & mandetis
 prout Nos inhibemus præcipimus, & mandamus omnibus & sin-
 gulis in executione præsentium nominandis, & cognominandis, nè
 sub eisdem sententijs, censuris, & penis audeant, seu præsumant,
 aut eorum aliquis audeat, seu presumat, dictum Excellentissimum
 Dominum Instantem super priuilegijs, gratijs, immunitatibus,
 exemptionibus, & alijs, tam supradictæ Excellentissimæ Familiæ,
 quam Militiæ præfatæ concessis molestare, perturbare, inquietare,
 & impedire, quo minus Ipse, & alij de sua Familia, & dicta Mili-
 tia frui, potiri, & gaudere valeant, nec quidquam aliud in præiudicium dicti Excellentissimi Domini Instantis, suæquè Familiæ, &
 Militiæ, & contrà formam prænarratarum Bullarum, & priuile-
 giorum, præsentium nostrarum litterarum Iurisdictionisq; nostræ,
 immò verius Sanctæ Sedis Apostolicæ spretum, contemptum, &
 vilipendium innouare, vel attentare, innouariquè, vel attentari fa-
 cere, seu permittere per sese alium, seu alios, quouis sub præte-
 xtu, titulo, causa, ingenio, ratione, vel quæsito colore, tacite,
 vel expressè, directè, vel indirectè. Quod si secus factum fuerit,
 vltra dictarum penarum declarationem incursum, id totum reuo-
 cabimus, & in pristinum statum reduci curabimus; Absolutionem
 verò in præmissis nobis, vel Superiori nostro tantummodo reser-
 uamus. In quorum fidem, &c. Datum Romæ, ex Adibus no-
 stris Anno Domini millesimo, sexcentesimo, sexagesimo quinto;
 Indi-

Indictione tertia, Die verò decima sexta Mensis Augusti, Pontificatus autem Sanctissimi in Christo Patris, & Domini Nostri, Domini ALEXANDRI Diuina Prouidentia Papæ Septimi, Anno eius undecimo.

Io: de Vrsis Protñs.

Thomas Palutius
Cur. Caus. Cam. Apost. Not.

Locus ✚ Sigilli



1685 a 16 de Agosto

C 2

Caua-

